

دار العديلي قالوا انتو يا مخاتير وختيارية الاربعتاشر بلد والله ما فيكم واحد يمشي الا بعد ثلاث ايام الشباب بروحوا على اشغالهم تعدوا اختيارية ومخاتير الاربعتاشر بلد من مشاريق نابلس في « بيتا » عند دار العديلي اول ليلة والثانية الليلة الثالثة بيحي حميده منشان يوخذ بخاطر أصحابه دار العديلي اول ليلة والثانية الليلة الثالثة بيحي حميده قالهم بشوف في خيل باب هالساحة قالوا له والله يا حميده هذول اربعتاشر بلد اللي مجموعات في ساحة دار العديلي راح سلم عالختيارية وعلى مخاتير القرى واخذ بخاطر أصحابه قالهم معكم خبر يا دار العديلي قالوا له « لا » قالهم اللي وز على زلتكم وسبب قتل زلتكم فلان الفلاني من البلد الفلانية شو قال صالح العديلي تام فدام الاربعتاشر بلد قالهم شوفوا يا اهل جبل نابلس قالوا له نعم يا صالح قالهم يحرم علي البس العقال(٥) بين الرجال ويحرم علي ارجع على بيتا وأصير من أهلها ويحرم علي انام في الفراش الحريم اما بذبح هالانسان في وسط سراية نابلس كوم اما بيحي مثل اخوي على ظهري كوم . الصبقيات صالح العديلي أخذ هالفرد البرابيلو وابو تاج بثلاث باغات احتياط للدفاع عن نفسه وروح على سراية نابلس الفشكة الفاظية في هذالك العصر كان حكمها يصرح من الثلاث سنوات الى الخمسة وان اجسا المسدس كان ينحكم الانسان خمستاشر او اعدام صالح العديلي ثلاث ايام معرفش يفوت في سراية نابلس ولكن وين كان ينام عند صاحب اله من مدينة نابلس من دار الشكعة شو قال له المدني تبع نابلس قال له يا صالح بشوفك بتنامش في الليل . قال له انت والسر يا نابلسي قال له عليك الله ومحمد رسول الله قال لنا اقسمت اليمين ما بلبس العقال في هالجبل ولا برجع على بيتا ولا بنسام في فراش النسوان اما بذبح هالاجاسوس الخائن في وسط سراية نابلس اما بنذبح جوة هالسراية والى ثلاث ايام مش ساحلي افوت قال له يا صالح المثل بقول الرجال عند حاجاتها نسوان . الصبقيات بلبسك لبسة وحسدة من خواتي لبسة حطر وبوخذك في سيارتي وبخلي موتور السيارة شغال باب سراية نابلس وبكتبك استدعاء ع لسان بنت فعلا اللي بوخذ الاستدعاءات هल्ली يدك تذبحه . اذا ذبحته ووصلتني اعرف انه نفدتك واذا انذبحت قبل ما توصلني لا حول ولا . . قال له بس فوتني ما يهمكنش انت الساعة ثمانية ونص الصبح قام صاحبه النابلسي لبسو لبسة وحدة من خواته لبسة حطر كتب له استدعاء على لسان بنت اخذه في سيارة لسراية نابلس فات انو اللي لاقاه الخائن ابن الحرام قال له هات الاستدعاء يا بنت واقعدي ع لبنك لما فات يحط الاستدعاء لما طلع من الاوطة صالح العديلي في ايده المسدس والفشكة تحت الطرب ولما طلع حط التسعة في صباحه . وهو نازل انواللي لاقاه . لاقاه ولد من عصيرة الحطب عصيرة الشمالية اسمه عبد الرحمن كان صواري مع فايز بك الادريسي في القدس قال له انت صالح العديلي يا ولد قال له انا صالح ابعده عن طريقي مذبوح انت وغيرك كل واحد يعارضني مذبوح قال له من هان يا صالح انفذ المؤذي بقتل ولو في الكعبة لكن بظرب لك اشارة للحارس البراني اذا فتح لك طريق خير وكان به واذا الحارس ما فتحلكش طريق اذبحه الثاني وحط في ظهري ما تخافش الحارس البراني فتح له طريق وصاحبه الوفي محظر له السيارة من حد ما نفذ في السيارة نفذ فيه على غور الجفتك قالوا انو اللي ذبح فلان قالوا له بنت اللي ذبحتو صاروا يفتشوا في هالبنات . روح على بيته قالهم يا دار العديلي قيموا الافراح والليالي الملاح ذبحتكم هالمعون في وسط سراية نابلس بروح صالح العديلي بعد اسبوعين يقول كلمتين تصيد وعمر السامعين يزيد ومن صلى على جمال النبي يريح ويستفيد .

الهاشمي سيد ولد عدنان
 نهار الثلاثاء كنت انا فرحان
 بقرا واتلو بسورة الرحمن

اول كلامي في مديح محمد
 ليلة الثمانسي في ربيع الامجد
 فرحان في ذكر الاله تعبد